


## Qaammatini kingullerni 12-ni atuisunut akit 1,3 pct.-mik qaffapput

Januar 2013-miit januar 2014-mut atuisunut akit 1,3 pct.-mik qaffapput. Ukiup siulianut qaffariaammut sanilliullugu qaffariaat appasinnerulaarpoq. Januar 2012-miit januar 2013-mut akip nikinnera 1,7 pct.-usimavoq. Ukiup affaa kingulleq juli 2013-miit januar 2014-mut akip nikinnera 0,9 pct.-iusimavoq, ukiumi siuliani qaammatit nalaannut sanilliullugu qaffasinnerulluni, juli 2012-miit januar 2013-mut akit nikinnerat 0,4 pct.-iuvoq. Qaammatit 12-it ingerlanerini atuisunut akit procentingorlugu qaffariarnerat titartakkami takuneqarsinnaavoq.

### Qaammatini 12-ni atuisut akiisa procentingorlugu qaffattarnerat



### Nioqqutissaqatigiit ataasiakkaat akiisa nikerarnerat

Atuisunut akip naleqqersuutaa akit nikerarnerat nioqqutissaqatigiillu tunngavittut naleqqersuutaat aallaavigalugit naatsorsorneqartarpoq, tamanna pissutaalluni nioqqutissaqatigiit assigiinngitsut akiisa nikerarnerat annertoqatigiimmik pingaaruteqarneq ajorpoq. Juli 2013-miit januar 2014-mut nioqqutissaqatigiinni akitigut qaffaaffiunerpaasut tassaapput: Sodavandit juicellu (5,5 pct.), immuk, immuup qalippenera (fløde), immussuaq, manniit (2,9 pct.) tupallu (2,6 pct.).

Illoqarnermut tunngasut nioqqutissaqatigiinni ataasiakkaani, juli 2013-miit januar 2014-mut akip naleqqersuutaanut annertunerpaamik sunniuteqarput, tassa taakkunani naleqqersuummut annertusissut 0,36 procentpointiuvoq, Imigassaq aalakoornartortalik Tupallu ataatsimut naleqqersuummut annertusissutaat 0,31 procentpointiuvoq Sodavandit juicellu naleqqersuummut annertusissutaat 0,18 procentpointiulluni. Nioqqutissat Sunngiffeqarnermut Piorsarsimassutsimullu

tunngasut atuisunut akip naleqqersuutaanut pitsaanngitsumik annertuumik ineqartitsipput, naleqqersuummut annertusissutaat -0,21 procentpointiugami.

Nunatsinni akit ataatsimut qanoq isikkoqarnerat Naatsorsueqqissaartarfiup nittartagaatigut pdf-litut aaneqarsinnaavoq, [www.stat.gl](http://www.stat.gl) iserfigalugu. Paasisutissanik annertunerusunik pisariaqartitsisoqaruni Naatsorsueqqissaartarfiup pisortaa Anders Blaabjerg oqarasuaatikkut toqqaannartukku 34 57 81, imaluunniit e-mail-kut [abla@stat.gl](mailto:abla@stat.gl) atorlugu saaffiqarsinnaavoq.